

Powšitkowne WOZJEWJENJA

swjatkowničku, 19. meje 2024

Mejski nyšpor TCM

Towarstwo Cyrila a Metoda z.t. (TCM) přeprošuje na mejski nyšpor, kotryž budže njedzelu, 26. meje, w 17.00 hodž. w Róžeńčanskej swjatnicy. Wšitcy su wutrobnje witani.

Modlenje w Róžeńće

Na modlenje před Najswjećišim su wěriwi sobotu, 25. meje, we 18.00 hodž. do Róžeńčanskeje hnadowneje cyrkwy přeprošeni. Pačerje budu w serbskej a němskej rěči spěwane.

Nalětni koncert chóra Lipa

Chór Lipa přeprošuje zhromadnje z Křescansko-socialnym kubłanskim skutkom wšitkich zajimcow na nalětni koncert, a to njedzelu, 26. meje, w 15.30 hodž. na zahrodze Zežiwjenskeho a zeloweho centruma w klóštrje Marijinej hwězdze w Pančicach-Kukowje. Program wuhotuja Lipjenjo, Lipjanska džěcina „Lipki“ a Njebjelčanski cyrkwinski chór. Wot 15.00 hodž. poskića tam kofej a tykanc.

Komorna hudźba z čitanjom w Chróścicach

Na literarno-hudźbne zarjadowanje Budyskeho Serbskeho ludoweho ansambla (SLA) su wšitcy zajimcy njedzelu, 26. meje, w 16.00 hodž. na Chróścansku faru přeprošeni. Na nim čita Hanka Rjelcyna teksty z publikacije „Prjedy hač woteńdzeš“ w serbskej rěči. K tomu pokazaja wobrazy poslednich nošerkow narodneje drasty. Smyčkowy orchester SLA z hudźbu Měrcina Weclicha a dalších serbskich komponistow zarjadowanje wobrubu. Kartki dóstanu zajimcy při kasy SLA w Budyšinje abo na internetowej stronje ansambla. Link na nju je pod www.posol.de podaty.

Putniska jězba

Na serbsku putnisku jězbu do Augsburga a Maria Vesperbild wot pónđzele do štwórtka, 15. do 18. julija, přeprošuje Radworske Šmitec busowe wozydłownistwo. Duchowny nawod změje farar Gabriš Nawka. Přizjewjenja přijimuje Šmitec wozydłownistwo, telefonowe čisło (03 59 35) 28 60.

Z busom do Krupki

Na putnisku Božu mšu srjedu, 24. julija, w 10.00 hodž. w Krupce pojedže zaso bus. Štóž chcył sobu jěć, měł so w Radworskim Šmitec wozydłownistwje přizjewić, telefonowe čisło (03 59 35) 28 60.

Młodostni na Fête de l'Europe

Dekanatne dušepastyrstwo za młodžinu poskićuje serbskim młodostnym, so pónđzelu, 27. meje, popołdnu na Fête de l'Europe w Drježdžanach wobdželić. Ta wotměje so składnostnje statneho wopyta francoskeho prezidenta Emmanuela Macrona na Drježdžanskim Neumarkće. Zajimcy měli so přizjewić. Link k tomu nańdu pod www.posol.de.

Wulět samostejacych

Wulět samostejacych ze serbskich wosadow budže wutoru, 4. junija, a powjedže do srjedźneje Łužicy. Wšitcy su wutrobnje přeprošeni, tež či, kotřiž njesu samostejacy. Zajimcy měli so w redakciji Katolskeho Posoła, telefonowe číslo (0 35 91) 55 0212 přizjewić.

Ministrantska kopańca

Koparski turněr ministrantow ze serbskich wosadow budže sobotu, 8. junija, w Pěškecach. Započatk je w 9.00 hodž. z Božej mšu we wjesnej kapałce.

Zjězd katolikow w Erfurće jedyn dzeń dožiwić

Towarstwo Cyrila a Metoda z.t. (TCM) poskića wěriwym ze serbskich wosadow sobotu, 1. junija, busowu jězbu na 103. zjězd katolikow do Erfurta. Tele wulke zetkanje křesćanow w poměrnje bliskim měsće skići pak tež móžnosće, z druhimi wěriwymi so zetkać, z nimi sej mysle wuměnić a so zhromadnje modlić. Bus wotjědže w 6.30 hodž. z Radworja (pola Šmitec) a w 7.00 hodž. z Chrósćic (wot sportnišća) a dojědže wokoło 10.00 hodž. do Erfurta. Tam so we 18.00 hodž. zaso na dompuć nastaji. W Erfurće změja wobdźělnicy składnosć, sej wobdźělenje na zjězdze po swójskich přechach zarjadować. Program zjězda je pod www.katholikentag.de wozjewjeny. Přinošk za jězbu wučinja 35 eurow na wosobu. Štóž chce so z TCM na wulkozarjadowanje do Erfurta podać, njech so prošu hač do srjedy, 22. meje, w redakciji Katolskeho Posoła, telefonowe číslo (0 35 91) 55 02 12, abo z e-mailku na TCM@posol.de přizjewi.

W Swjatym lěće diecezanske putnikowanje do Roma planowane

Drježdžansko-Mišnjanske biskopstwo přeprošuje wěriwych we wobłuku Swjateho lěta, trajace wot lětušeje patoržicy hač do 6. januara 2026, na diecezanske putnikowanje z biskopom Heinrichom Timmereversom do Roma. Wone wotměje so wot soboty do soboty, 11. do 18. oktobra 2025. Wosomdnjowska busowa jězba wopřijima mjez druhim awdiencu ze swjatym wótcom, swjećenje zhromadnych Božich mšow, dzeń duchowneho rozpominanja, temowe wodženja po Romje kaž tež putnikowanje k sydom cyrkwjam w Romje a we Vatikanje. Zdobom budže přiležnosć, sej město po swójskich zajimach wotkryć. Na tam- kaž tež dompuću je přenocowanje při Gardaskim jězorje planowane. Tohorunja na dompuću pozastanu putnicy tež w měsće Arezzo, hdžež so w katedrali při rowje swjateho Donata, sobupatrona Drježdžansko-Mišnjanskeje diecezy, pomodla.

Zajimcy móža so online abo direktnje w běrowach busoweho wozydłownistwa ATeams, kotrež jězbu přewjedže, w Šěrachowje a Budyšinje přizjewić. Linkaj z nadrobnšimi informacijemi k putnikowanju kaž tež k přizjewjenju stej pod www.posol.de wozjewjenej. Za tych, kotřiž so hač do lětušeho 31. decembra přizjewja, je jězba potuňšena.

Z kolesom putnikować

Na putnikowanje z kolesom pod hesłom „Pohlady“ přeprošuje Smochčanske kubłanišćo swjateho Bena wšitkich zajimcow wot njedźele do njedźele, 22. do 29. septembra. Wšědne čary budu přerězne něhdže 40 kilometrow dołhe a powjedu mjez druhim ke ikonowemu křižowemu pucej Drježdžanskeje wosady swjateho Hubertusa, do Łužiskeho rewěra kaž tež po slědach słowjanskeju japoštołow Cyrila a Metoda. Nawod změjjetaj farar Thomas Cech a Alojs Rječka z Łužnicy. Přizjewjenja přijimaja hač do štwórtka, 30. meje. Link k tomu a k dalšim informacijam je pod www.posol.de wozjewjeny.

Dny rozpominanja z filmom

Pod heslom „Domizna – z mnogimi prašenjemi“ preprošuje Smochčanske kubtaniščo swjateho Bena na dny rozpominanja z filmom, kotrež wotměja so wot srjedy do njedzele, 19. do 23. junija. Referentaj budžetaj Michaela Hrjehorjowa z Rěčneho centruma WITAJ w Budyšinje a Lipšćanski farar Thomas Bohne Přizjewjenja přijimuju hač do štwórtka, 30. meje. Link z nadrobnišimi informacijemi je pod www.posol.de wozjewjeny.

Dalekublanje na polu prewencije před seksualizowanej namocu

Prewencija přećiwo seksualizowanej namocy je wažny wobstatk džěla z džěćimi a młodžinu we wosadach. Jeje zaměr je, nowu kulturu wjazomnje zhromadnosće wuwijać. Za to trěbne su prewentiwne struktury a procesy. We Worklečanskim Don Boskowym domje poskića k tomu dalekublanja, a to na třoch terminach: pjatk, 24. meje, wot 18.00 do 21.00 hodž. kaž tež po pónđzelomaj, 3. a 10. junija, tohorunja stajnje wot 18.00 do 21.00 hodž. Z terminow móža sej zajimcy jedyn wuzwolić. Wšitcy přewodnicy ministrantow na lětušim putnikowanju do Roma kaž tež pomocnicy na nabožnych prózdniških dnjach we wosadach, ale tež dalši čestnohamtsy, na přikład w sakristiji, při wudžělenju swjateho woprawjenja abo ze šolu, abo ći, kotřiž z džěćimi a młodostnymi we wosadach džělaja, su cyle wutrobnje preprošeni. Přizjewjenja přijimuju online. Link k tomu kaž tež k dalšim wažnym informacijam je pod www.posol.de wozjewjeny. Ličba wobdžělnikow za dalekublanje je přeco na 20 wobmjezowana.

Za putniku jězbu do Roma so přizjewić

Składnostnje Swjateho lěta 2025 preprošuje Sakski katolski zwjazk za kublanje dorosće-nych (KEBS) zhromadnje ze svojim ewangelskim wotpowědnym zwjazkom na ekumenisku putniku jězbu z Drježdžan na Assisi do Roma. Wona wotměje so lětsa wot pónđzele do pónđzele, 30. septembra do 7. oktobra. Zaměr jězby je, perspektiwy w konteksće Europskeje unije pokazać kaž tež sakskej zjawnosći putnikowanje a pućowanje zblížić. Jězba je za tych myslena, kotřiž we wobłukomaj putnikowanje a pućowanje čestnohamtsce skutkuja. W Romje móža so wobdžělnicy mjez druhim na Božimaj službomaj z biskopom Heinrichom Timmereversom wobdžělić, ale tež Drježdžanskich kapałnikow dožiwić. Zajimcy měli so pola Sakskeje putniskeje akademije, Hłowna dróha 23 (Dom cyrkwy) w Drježdžanach, telefonowe čisło (03 51) 8 12 42 10, mailowa adresa erik.panzig@evlks.de, hač do 31. meje přizjewić. Nadrobne wopisanje jězby je pod www.posol.de wozjewjene.

Za přichodny kurs JuLeiCa so hižo nětkole přizjewić

Prěni džěl přichodneho wukublanja JuLeiCa poskići Worklečanske dekanatne dušepastyrstwo za młodžinu wot pjatka do njedzele, 17. do 19. januara 2025, drugi wot 25. do 27. apryla 2025 w Smochčanskim kubtanišću swjateho Bena – stajnje z přenocowanjom a połnym zastaranjom. Zajimcy maja dopokazać, zo su so na kursu přenjeje pomocy wobdžělili. We Worklečanskim Don Boskowym domje sobotu, 15. měrca 2025, wotpowědny kurs přewjedu. Za wobdžělnikow kursa JuLeiCa je wón darmotny. Certifikat slůži tež jako dopokaz za jězbu šulu. Přizjewjenja přijimaja online. Link na wotpowědnu stronu je pod www.posol.de podaty.